

...ՔԱՆԻ ՈՐ ՌԱԶՄԱԿԱՆ ԴՐՈՒԹԻՒՆ Է

Մեր թղթակիցը Մոսկուայից հաղորդում է

Յուլիսի 17ին կինոկենտրոնի շենքում կայացավ Լեոնային Ղարաբաղ այցելած Սախարովեան Կոնգրեսի պատուիրակության անդամների մամլոյ ասուլիսը: Պատուիրակության կազմում էին՝ անգլիական պառլամենտի լորդերի պալատի փոխ նախագահ լեդի Կարոլին Քոֆսը (Մեծ Բրիտանիա), Մարդու իրաւունքների միջազգային լիգայի գործադիր տրեյնորեն Ֆելիցիա Գ. Հայերը (ԱՄՆ), Խորհրդաամերիկեան կոմիտէի տնօրէն Ուիլիամ Ջ. Միլլերը (ԱՄՆ), Սֆոք Նորթոնը (ԱՄՆ), Լորդերի պալատի անդամ Մալբուրն Փիրսոնը (Մեծ Բրիտանիա), Դեփիդ Լեոպոլդը (ԱՄՆ), Շին-Իչի Մասահակին (Ճապոնիա), Ալեքսէյ Սեմիոնովը (ԱՄՆ), խորհրդատու Ռոբերտ Արսենայրը (ԱՄՆ):

Մամլոյ ասուլիսից յետոյ մեր թղթակից Արթուր Տէրեանը հանդիպեց պատուիրակության անդամ Ալեքսէյ Սեմիոնովին (ԱՄՆ):

Հարց. - Պարոն Սեմիոնով, ինչպէ՞ս եք դուք դասակարգում մարդու իրաւունքների խախտումներն Արցախում: Եւ ինչպիսի՞ն է այդ դասակարգումը՝ ընդհանուր, թէ՛ իւրայատուկ հենց այդ տարածքաշրջանի համար:

Պատ. - Հարցն անշափ բարդ է, որովհետեւ Լեռնային Ղարաբաղում իրադրութիւնը եզակի է: Բոլոր դիտորդների համար միանգամայն պարզ է, որ կայ, այսպէս կոչուած, ներքին բախման իրավիճակ: Այդպիսի իրավիճակի համար գոյութիւն ունեն օրէնքներ, որոնք կարգաւորում են մարդու իրաւունքները եւ նուազագոյն երաշխիքներ ապահովում: Բայց որպէսզի իրադրութիւնը դասակարգուի որպէս օրինական, անհրաժեշտ է, որ Խորհրդային Միութիւնը, այսինքն Մոսկուայի կառավարութիւնը ընդունի, որ ինքը ներքին բախման գօտի ունի: Բայց նա դա չի ընդունում, հետեւապէս անշափ դժուար է օրինականութեան տեսակէտից յօտենալ իրադրութեանը: Այնտեղ ռազմա-

կան դրութիւն է մտցուած եւ յաճախ, երբ մարդու իրաւունքի հարցեր են քննարկուած, ապա ՕՍՕՆը, զինուորական ներկայացուցիչները, Ղարաբաղեան կազմկոմիտէի ներկայացուցիչները վկայակոչում են այն հանգամանքը, թէ, քանի որ ռազմական դրութիւն է, ուրեմն ամեն ինչ կարելի է: Դա ամենեւին էլ այդպէս չէ: Օրինակ, ռազմական դրութեան ապահովման համար ուժի օգտագործումը միանգամայն յստակ է կարգաւորում: Կայ ուժի կիրառման, օրինապահ պաշտօնեայ անձի պահածքի կանոնադիր, որը կարգաւորում է ուժի գործադրումը եւ արգելում բնակչութեան համար վտանգ ներկայացնող ուժի գործադրումը անգամ ռազմական դրութեան պայմաններում:

Հարց. - Փաստօրէն, ինչպէս ես հասկացայ, դժուար է ինչ-որ կերպ դասակարգել ձեր տեսածը:

Պատ. - Չէի ասի, թէ դա անշափ դժուար է: Կան միանգամայն որոշակի բաներ: Ասենք, ամեն ինչից զատ, ցանկացած պայման-

ներում արգելում են հանրագումարային պատիժները: Խօսքը զիւղերի տեղահանութեան մասին է: Եթէ զիւղի ողջ բնակչութեան վտարում է իրականացում, ուրեմն դա բնագաղթ է, հանրագումարային պատիժ: Իսկ դա ցանկացած իրադրութիւնում արգելուած է: Միակ բացառութիւնը, դա բնակչութեան ժամանակաւոր տեղափոխութիւնն է՝ նրա անվտանգութիւնն ապահովելու նպատակով: Դրա համար էլ ես միշտ զարմանում էի, երբ միլիցիայի ադրբեջանցի սպաները հաւատացնում էին, իբր բնակչութեան կամաւոր արտագաղթ է տեղի ունենում: Չէ՞ որ միանգամայն պարզ էր, որ դա այդպէս չէ: Փաստաթղթերը, որոնք մեզ էին ներկայացուած եւ վկայում էին, որ մարդիկ զիւղերից կամաւոր էին դուրս եկել՝ բացարձակապէս ոչ մի իրաւաբանական ուժ չունեն, քանի որ հասցեագրուած են ոչ թէ վարչական անձի, այլ Ադրբեջանի Կոմկուսի կենտկոմի քարտուղար Պոլեանիչկոյին: Այսինքն այդ փաստաթղթերը որեւէ բանի հիմք հանդիսանալ չեն կարող:

Հարց. - Մամլոյ ասուլիսում բազմիցս ընդգծուեց, որ ուղեւորութեան մասնակիցները չեն պատրաստուած որեւէ քաղաքական գնահատական տալ, բայց ամեն դէպքում ղարաբաղեանի նման ցանկացած խնդիր կարող է լուծել ջաղաքական միջոցներով, այդ թում եւ զինուորական ուժի կիրառումով: Տուեալ խնդրի լուծման ինչպիսի՞ քաղաքական միջոցներ եք դուք տեսնում:

Պատ. - Քաղաքակիրթ կը լինի այն միջոցը, երբ կողմերը համաձայնութեան կը գան, որ մարդից անյապաղ հեռանայ ՕՍՕՆը, որովհետեւ այդ կազմակերպութեան առկայութեամբ բանակցութիւններ վարելը անիմաստ է: Մտցում են իրաւապահ ուժեր...

Հարց. - Ինչպիսի՞ն:

Պատ. - Չէզոք: Կամ միջազգային, կամ Միացեալ Ազգերի կազմակերպութեան, կամ ինչ-որ երրորդ կողմի: Այդպիսի ուժ կարող է լինել անգամ խորհրդային բանակը, որովհետեւ Ադրբեջանից դուրս տեղաւորուած խորհրդային բանակը բաւականին չէզոք է: Այդ յետոյ, երբ տեղակայուած է Ադրբեջանում, Ղարաբաղում, բոլոր կառուցուածքների տարրալուծման արդէն գոյութիւն ունեցող պայմաններում փաստօրէն կաշառուած է: Իսկ եթէ, օրինակ, դուրս հանի ՕՍՕՆը եւ մտցուեն խորհրդային նոր զօրքեր՝ բնակչութեան հանդէպ չէզոքութիւն պահելու կոնկրետ առաջադրանքով, ապա միզուցէ կ'ապահովուի կարգականոնը, եւ կողմերը կարող են բանակցութիւններ սկսել:

Հարց. - Այսինքն, դուք գտնում եք, որ որեւէ բարդ խնդիր այստեղ չկայ եւ ինչ-որ նոր բան մտածելու հարկ չկա՞յ:

Պատ. - Կարծում եմ, որ այդ մեխանիզմները կան, եւ ես նոյնիսկ կ'ասեի, որ բախումը որոշ քաղաքական ուժերի կողմից շափազանցուած է, որովհետեւ եղած պրոբլեմները այդպիսի լայն շափեր չպիտի ընդունէին:

Հարց. - Նշանակում է, ինչ-որ մէկը շահագրգռուած է, որպէսզի այսպիսի շափ լինի եւ հակամարտութիւնը շարունակուի այսքան երկար:

Պատ. - Կարծում եմ...